

BWRDD GWEITHREDOL

Dydd Llun, 3 Chwefror 2020

YN BRESENNOL: Y Cynghorydd E. Dole (Cadeirydd)

Y Cynghorwyr:

E. Dole, C.A. Campbell, G. Davies, H.A.L. Evans, L.D. Evans, P.M. Hughes, P. Hughes-Griffiths, D.M. Jenkins and J. Tremlett

Hefyd yn bresennol:

Y Cynghorwyr: D.M. Cundy, D. Jones and K. Lloyd

Yr oedd y swyddogion canlynol yn gwasanaethu yn y cyfarfod:

W. Walters, Prif Weithredwr

J. Morgan, Cyfarwyddwr y Gwasanaethau Cymunedau

Mrs R. Mullen, Cyfarwyddwr yr Amgylchedd

L.R. Jones, Pennaeth Gweinyddiaeth a'r Gyfraith

N. Daniel, Pennaeth Gwasanaeth TGCh

S. Davies, Pennaeth Mynediad i Addysg

J. Davies, Uwch-reolwr y Gwasanaethau Diwylliannol

K. Davies, Rheolwr Datblygiad Cynaliadwy

H. Pugh, Pennaeth Dros Dro Archwilio, Riag a Chaffael

D. Hockenhull, Rheolwr y y Cyfryngau a Marchnata

K. Thomas, Swyddog Gwasanaethau Democrataidd

Siambr, Neuadd Y Sir, Caerfyrddin. SA31 1JP. - 10.00 - 10.50 yb

1. YMDDIHEURIADAU AM ABSENOLDEB.

Cafwyd ymddiheuriad am absenoldeb gan y Cynghorydd L.M. Stephens.

2. DATGAN BUDDIANNAU PERSONOL.

Ni ddatganwyd unrhyw fuddiannau personol.

3. LLOFNODI FEL COFNOD CYWIR COFNODION CYFARFOD Y BWRDD GWEITHREDOL A GYNHALWYD AR Y 20FED IONAWR, 2020

PENDERFYNWYD YN UNFRYDOL lofnodi cofnodion cyfarfod y Bwrdd Gweithredol a gynhaliwyd ar 20 Ionawr 2020, gan eu bod yn gywir.

4. CWESTIYNAU Â RHYBUDD GAN YR AELODAU

Dywedodd y Cadeirydd nad oedd dim cwestiynau â rhybudd wedi cael eu cyflwyno gan yr Aelodau.

5. CWESTIYNAU A RHYBYDD GAN Y CYHOEDD

Dywedodd y Cadeirydd nad oedd dim cwestiynau wedi dod i law gan y cyhoedd.

6. CWM ENVIRONMENTAL LTD GOFYNIAD CYLLID BENTHYCIADAU

Bu'r Bwrdd Gweithredol yn ystyried adroddiad ar gais a gafwyd gan CWM Environmental Ltd (is-gwmni dan berchnogaeth lwyr yr awdurdod) am fenthyciad o £800k gan yr awdurdod i ariannu'r gost ar gyfer y canlynol:

1. Adleoli ei swyddfeydd presennol o Heol Allt-y-cnap, Tre Ioan i'w safle yn Nant-y-caws;
2. Ildio prydles swyddfeydd Allt-y-cnap - sydd yn dod i ben ym mis Mai, 2020;
3. Caffael rhydd-ddaliad 58 erw ychwanegol o dir yn union wrth ymyl safle Nant-y-caws, er mwyn sicrhau'r tir ar gyfer datblygiad y cwmni yn y dyfodol.

Dywedwyd wrth y Bwrdd am delerau'r benthyciad arfaethedig, fel y manylir arno yn yr adroddiad, a gefnogwyd gan Fwrdd Cyfarwyddwyr y cwmni a Bwrdd y Cyfranddalwyr.

PENDERFYNWYD YN UNFRYDOL Y DYLLID ARGYMELL I'R CYNGOR ei fod yn cytuno i roi benthyciad i CWM Environmental Ltd yn amodol ar y telerau canlynol:

1. Cyfanswm y benthyciad i fod yn y swm o £800k;
2. Bydd hyd y trefniant benthycia yn 10 mlynedd mewn perthynas â'r gost o gaffael y tir a 5 mlynedd ar gyfer y gost sy'n gysylltiedig ag adeiladau;
3. Codi llog o 1% yn uwch na'r gyfradd a bennwyd gan y Bwrdd Benthyciadau Gwaith Cyhoeddus am 10 mlynedd a 5 mlynedd yn y drefn honno gan adlewyrchu'r diogelwch a fydd ar gael i'r Cyngor;
4. Y cyfleuster cyllido i'w weithredu fel trefniant tynnu i lawr - arian i'w ddefnyddio pan fo angen yn unig;
5. Dirprwyo'r broses o gymeradwyo'r cyllid i Gyfarwyddwr y Gwasanaethau Corfforaethol ar y cyd â'r Aelod o'r Bwrdd Gweithredol dros Adnoddau, a bydd hyn yn cael ei weinyddu fel a ganlyn:-
 - a) Rhyddhau cyllid dim ond:
 - i) Ar ôl iddo gael ei gymeradwyo gan Fwrdd y Cwmni a Grŵp Cyfranddalwyr CWM Environmental Ltd;
 - ii) Pan fydd Cyfarwyddwr y Gwasanaethau Corfforaethol yn fodlon y darperir ar gyfer ad-daliadau'r benthyciad yng Nghynllun Busnes y Cwmni a'u bod yn fforddiadwy
 - b) Bydd yr elfennau terfynol ynghylch y cytundeb benthyciad manwl yn cael eu dirprwyo i Gyfarwyddwr y Gwasanaethau Corfforaethol

7. AILDDATBLYGU ORIEL MYRDDIN

Bu'r Bwrdd Gweithredol yn ystyried adroddiad ar gynigion i ailddatblygu Oriel Myrddin yng Nghaerfyrddin i gael ei ariannu ar y cyd gyda chymorth cynnig grant amodol o £1m gan Gyngor Celfyddydau Cymru ynghyd â mewnbwn cyfalaf gan y Cyngor Sir, gyda'r gost wirioneddol yn dibynnu ar yr opsiwn ailddatblygu a ddewisir. Cyflwynwyd y pedwar opsiwn canlynol i'r Bwrdd eu hystyried:-

1. Symud ymlaen gyda chynllun cam 3 presennol RIBA, yr opsiwn a ffeirir – cyfraniad cyllid cyfalaf y Cyngor o £ 890k;
2. Cyd-leoli gyda Hwb Caerfyrddin yn yr adeilad presennol - cyfraniad cyllid cyfalaf y Cyngor o £ 890k;

3. Cyd-leoli gyda Hwb Caerfyrddin ar Heol y Brenin trwy brynu/prydlesu adeiladau cyfagos i ddarparu'r gofod gofynnol - cyfraniad cyllid cyfalaf y Cyngor o £1.640m;
4. Cynnal y sefyllfa bresennol – cyllid o £100k gan y Cyngor i wneud gwaith cynnal a chadw hanfodol.

Dywedwyd wrth y Bwrdd Gweithredol, pe bai'n bwriadu cymeradwyo'r cynigion ailddatblygu ar gyfer yr Oriel, byddai'r gymeradwyaeth honno yn amodol ar y Cyngor yn dyrannu cyllid i'r cynllun yn ei gyfarfod cyllideb i'w gynnal ar 3 Mawrth 2020.

PENDERFYNWYD YN UNFRYDOL y dylai'r Cyngor fwrw ymlaen ag ailddatblygu Oriel Myrddin ar sail Opsiwn 1, ar yr amod bod y Cyngor yn dyrannu cyllid i'r cynllun yn ei gyfarfod cyllideb i'w gynnal ar y 3 Mawrth 2020.

8. CYNLLUN CARBON SERO-NET

Atgoffwyd y Bwrdd Gweithredol bod y Cyngor yn ei gyfarfod a gynhaliwyd ar 20 Chwefror, 2019, wedi mabwysiadu'r Hysbysiad o Gynnig canlynol sef:

1. Datgan Argyfwng Hinsawdd,
2. ymrwymo i ddod yn awdurdod lleol carbon sero-net erbyn 2030,
3. datblygu cynllun clir ar gyfer bod yn awdurdod carbon sero-net o fewn 12 mis,
4. galw ar Lywodraeth Cymru a Llywodraeth y DU i ddarparu'r cymorth ac adnoddau angenrheidiol er mwyn ein galluogi i leihau carbon yn effeithiol,
5. gweithio gyda'r Bwrdd Gwasanaethau Cyhoeddus a phartneriaid Bargen Ddinesig Bae Abertawe i ddatblygu cyfleoedd cyffrous i gyflawni arbedion carbon,
6. cydweithio ag arbenigwyr o'r sector preifat a'r trydydd sector i ddatblygu atebion arloesol i ddod yn awdurdod carbon sero-net.

Yn unol â phenderfyniad y Cyngor, bu'r Bwrdd Gweithredol yn ystyried adroddiad a oedd yn nodi llwybr tuag at ddod yn awdurdod lleol carbon sero-net erbyn 2030.

Nododd y Bwrdd Gweithredol fod Pwyllgor Craffu - Diogelu'r Cyhoedd a'r Amgylchedd, yn ei gyfarfod ar 15 Tachwedd 2019, wedi argymhell i'r Bwrdd Gweithredol gymeradwyo'r cynllun.

PENDERFYNWYD YN UNFRYDOL ARGYMELL I'R CYNGOR:-

- 8.1 bod y Cynllun Carbon Sero-net sy'n amlinellu llwybr tuag at ddod yn awdurdod lleol carbon sero-net erbyn 2030 yn cael ei fabwysiadu,
- 8.2 rhoi awdurdod dirprwyedig i Swyddogion wneud addasiadau teipograffyddol neu ffeithiol yn ôl yr angen, i wella eglurder a chywirdeb y Cynllun Carbon Sero-net.

9. Y RHAGLEN MODERNEIDDIO ADDYSG CYMERADWYAETH I WEITHREDU CYNIGION FFEDERASIWN (DAN ARWEINIAD YR AWDURDOD LLEOL)

Bu'r Bwrdd Gweithredol yn ystyried adroddiad ar gyflwyno proses ar gyfer penderfynu ar gynigion i ffedereiddio ysgolion. (Cynigion a arweinir gan yr

Awdurdod Lleol) ac, yn benodol, dirprwyo'r penderfyniad hwnnw i'r Aelod o'r Bwrdd Gweithredol dros Addysg a Phlant.

Dywedwyd wrth y Bwrdd bod y Pwyllgor Craffu - Addysg a Phlant, yn ei gyfarfod a gynhaliwyd ar 23 Ionawr 2020, wedi argymhell y dylai'r Bwrdd Gweithredol ymgymryd â'r penderfyniad ar y cynigion ffedereiddio ac nid yr Aelod o'r Bwrdd Gweithredol dros Addysg a Phlant.

PENDERFYNWYD YN UNFRYDOL y dylid dirprwyo'r gymeradwyaeth ar gyfer gweithredu'r Cynigion i Ffedereiddio Ysgolion (dan arweiniad yr Awdurdod Lleol) i'r Aelod o'r Bwrdd Gweithredol dros Addysg a Phlant.

10. CYNLLUN CYDRADDOLDEB STRATEGOL (DRAFFT)

Bu'r Bwrdd Gweithredol yn ystyried Cynllun Cydraddoldeb Strategol Drafft y Cyngor 2020-24, a gynhyrchwyd yn unol â gofynion Deddf Cydraddoldeb 2010 a oedd yn cynnwys Dyletswydd Sector Cyhoeddus newydd, gan ddisodli'r dyletswyddau ar wahân o ran hil, anableddau a chydaddoldeb rhwng y rhywiau. Nodwyd bod Dyletswydd Gyffredinol y Ddeddf yn cynnwys y nodweddion gwarchodedig a nodir isod, gyda'r nod o sicrhau bod awdurdodau cyhoeddus a'r rhai sy'n cyflawni swyddogaeth gyhoeddus yn ystyried sut y gallent gyfrannu'n gadarnhaol at gymdeithas decach drwy hyrwyddo cydraddoldeb a pherthynas dda yn eu gweithgareddau pob dydd:-

- Oed
- Anabledd
- Ailbennu rhywedd
- Priodas a phartneriaeth sifil
- Beichiogrwydd a mamolaeth
- Hil
- Crefydd neu Gred
- Rhyw
- Cyfeiriadedd rhywiol

Roedd y Ddyletswydd Gyffredinol yn gydnaws â gofynion Deddf Llesiant Cenedlaethau'r Dyfodol, gyda chydaddoldeb a chydlyniant yn amlwg fel dau o'r saith nod llesiant.

Nododd y Bwrdd fod y cynllun wedi'i gymeradwyo gan y Pwyllgor Craffu Polisi ac Adnoddau yn ei gyfarfod a gynhaliwyd ar 27 Ionawr.

PENDERFYNWYD YN UNFRYDOL ARGYMELL I'R CYNGOR EI FOD YN:

- 10.1 Cymeradwyo'r Cynllun Cydraddoldeb Strategol (Drafft) ar gyfer ei weithredu o Ebrill 2020;**
- 10.2 Cytuno i'r Amcanion Ansawdd Strategol (Drafft) a datblygu cynllun gweithredu manwl i ategu'r amcanion hynny;**
- 10.3 Cytuno i ymgysylltu ymhellach â phartneriaid a rhanddeiliaid allanol mewn dau ddigwyddiad a gynhelir gan Fforwm Cydraddoldeb Sir Gaerfyrddin, sy'n dwyn ynghyd sefydliadau ac unigolion sy'n cynrychioli'r grwpiau gwarchodedig**

11. PANEL YMGYNGHOROL ADOLYGU CLUDIANT I'R YSGOL

Atgoffwyd y Bwrdd Gweithredol, yn ei gyfarfod a gynhaliwyd ar 20 Ionawr 2020, ei fod wedi cytuno i sefydlu Panel Ymgynghorol Cludiant i'r Ysgol sy'n cynnwys yr Aelod o'r Bwrdd Gweithredol dros yr Amgylchedd ynghyd â 6 aelod ar sail drawsbleidiol. Yn unol â'r penderfyniad hwnnw, bu'r Bwrdd yn ystyried adroddiad ar Gylch Gorchwyl arfaethedig y Panel ynghyd â'r aelodaeth arfaethedig fel a ganlyn, a enwebwyd gan grwpiau gwleidyddol y Cyngor:-

Grŵp Plaid Cymru (3)

Y Cynghorwyr Mansel Charles, Ann Davies, Ken Howell.

Grŵp Llafur (1)

Cynghorydd Dot Jones

Y Grŵp Annibynnol (1l)

Y Cynghorydd Irfon Jones

Y Grŵp Annibynnol Newydd (1)

Y Cynghorydd Louvain Roberts

Cyfeiriodd y Cynghorydd D Cundy, yn unol â Rheol Gweithdrefn Gorfforaethol 11, at aelodaeth drawsbleidiol y Panel Ymgynghorol ar Gludiant Ysgol a gofynnodd a ddylai gynnwys 2 aelod o bob grŵp gwleidyddol a bod y cyfarfodydd yn cael eu gwe-ddarlledu yn ysbryd gonestrwydd, a bod yn agored a thryloyw.

Atgoffodd yr Aelod o'r Bwrdd Gweithredol dros yr Amgylchedd y Bwrdd am y newid yn neddfwriaeth y llywodraeth a oedd wedi arwain at y sefyllfa bresennol. Cadarnhaodd fod aelodau arfaethedig y Panel Ymgynghorol yn drawsbleidiol, gyda chynrychiolwyr o bob un o bleidiau gwleidyddol y Cyngor. Er nad oedd cyfarfodydd y Panel Ymgynghorol yn gyfarfodydd cyhoeddus, ac nid oedd unrhyw gynlluniau i'w gwe-ddarlledu, byddai argymhellion y Panel yn cael eu cyflwyno i'r Bwrdd Gweithredol, ac mae cyfarfodydd y Bwrdd Gweithredol yn cael eu gwe-ddarlledu

PENDERFYNWYD YN UNFRYDOL y dylid cymeradwyo'r Cylch Gorchwyl ac aelodaeth y Panel Ymgynghorol ar Gludiant Ysgol ar draws y pleidiau.

12. UNRHYW FATER ARALL Y GALL Y CADEIRYDD OHERWYDD AMGYLCHIADAU ARBENNIG BENDERFYNU EI YSTYRIED YN FATER BRYD YN UNOL AG ADRAN 100B(4)(B) O DDEDDF LLYWODRAETH LEOL, 1972.

Nid oedd dim materion brys i'w trafod.

CADEIRYDD

DYDDIAD